



REPUBLIKA E SHQIPËRISË

MINISTRIA E ARSIMIT, SPORTIT DHE RINISË
AGJENCIA KOMBËTARE E RINISË

UDHËZUES PËR APLIKANTËT

NJËSITË E VETËQEVERISJES VENDORE

1. Hyrje

Agjencia Kombëtare e Rinisë (AKR) krijuar në mbështetje të nenit 100 të Kushtetutës, të ligjit nr. 75/ 2019 “Për rininë”, VKM nr. 681, datë 02.09.2020 “Për mënyrën e krijimit, të organizimit e të funksionimit të Agjencisë Kombëtare të Rinisë” duke u bazuar në VKM nr. 1141 datë 24.12.2020 “Për përcaktimin e kritereve dhe të procedurave të përzgjedhjes së organizatave rinore dhe/ose për të rinjtë, që përfitojnë financim nga fondet grant nga buxheti i shtetit të dedikuar për rininë”, financon projektet e propozuara nga Njësitë e Vetëqeverisjes Vendore.

Ky udhëzues do t’ju vijë në ndihmë të gjitha strukturave të njësive të vetëqeverisjes vendore duke qartësuar procedurat dhe mënyrën e aplikimit.

1.1 Qëllimi

Qëllimi i kësaj thirrje është të mbështesë financiarisht projektpropozimet nga njësitë e vetëqeverisjes vendore, me impakt te të rinjtë.

1.2 Fondi total i thirrjes së parë publike të Agjencisë Kombëtare të Rinisë, dedikuar njësive të vetëqeverisjes vendore, i referohet Ligjit “Për Rininë”, neni 16, pika 1, shkronja “a”, i cili përdoret vetëm për:

- a) financimin e ndërtimit apo të rikonstruksionit të objekteve publike dhe të infrastrukturës rinore;



1.3 Fondet (Grantet) në dispozicion për këto projektpropozime

Totali i grantit për mbështetjen e Njësive të Vetëqeverisjes Vendore në këtë thirrje është 19.200.000 (nëntëmbëdhjetë milion e dyqind mijë) ALL.

Pagesat nga fondi buxhetor kryhen për njësitë e vetëqeverisjes vendore me 2 këste:

- a) Kësti I, deri në 90% të vlerës së financimit menjëherë pas shpalljes fitues të projektit.
- b) Kësti II, 10% e vlerës së projektit, në përfundim të projektit, pas përfundimit dhe vlerësimit të suksesshëm të projektit.

1.4 Kohëzgjatja

Kohëzgjatja e projektpropozimit do të jetë nga 6 muaj deri në 12 muaj.

1.5 Vendi i zbatimit

Projektet që do të mbështeten financiarisht nga ky Grant do të zbatohen kryesisht dhe ekskluzivisht në territorin e Republikës së Shqipërisë.

2. Destinacioni i thirrjes

2.1 Kjo thirrje i dedikohet njësive të vetëqeverisjes vendore për ndërtimin dhe rikonstruksionin e infrastrukturës rinore

Pjesëmarrja në këtë thirrje do të jetë transparente dhe e barabartë për të gjithë aplikantët e njësive të vetëqeverisjes vendore.

Projektpropozimet e njësive të vetëqeverisjes vendore duhet t'i përmbahen rikonstruksionit, ndërtimit, rindërtimit dhe funksionit të objekteve publike, pjesë e infrastrukturës rinore që janë pasuritë e paluajtshme dhe të luajtshme, të destinuara apo të vëna në dispozicion për ushtrimin e aktiviteteve dhe veprimtarive rinore.



*** Çdo aplikim që nuk i përmbahet destinacionit të kësaj thirrjeje nuk do të merret në konsideratë.**

2.2 Dokumentat e nevojshme për të aplikuar:

- a) Projektpropozim (Formular Aplikimi i përpiluar nga AKR) për zhvillimin e projekteve rinore.
- b) Bashkangjitur Formatit të Aplikimit lutemi të vendosni planin e ndërtimit apo rikonstruksionit të projektit që propozoni.
- c) Shprehje e interesit e miratuar nga kryetari i bashkisë.

2.3 Informacion mbështetës

Me qëllim mbështetjen e të gjithë aplikantëve të interesuar, Agjencia Kombëtare e Rinisë në përputhje me kriteret e këtij udhëzuesi do të ofrojë informimin mbi këtë thirrje si më poshtë:

1. Përmes pyetjeve që mund të dërgohen në email-in zyrtar info@rinia.gov.al, përgjigjet e të cilave do të kthehen me shkrim po nga email-i zyrtar brenda 7 ditëve punë që nga data e regjistrimit të pyetjes përkatëse.
2. Sesione informuese mbi thirrjen publike për të gjitha njësitë e vetëqeverisjes vendore të interesuara për aplikime.

*** Për shkak të pandemisë COVID-19 sesionet do të zhvillohen online dhe offline duke iu përmbajtur protokollove përkatëse anti-Covid.**

2.4 Afatet e dorëzimit të aplikimeve dhe vendi i dorëzimit

Afati i dorëzimit të aplikimeve do të jetë 45 ditë kalendarike nga data e shpalljes së thirrjes. Afati i fundit për dorëzimin e projektpropozimeve është data 12/08/2021, ora 16:30.

Në kuadër të masave të marra për të parandaluar përhapjen e COVID-19, njësitë e vetëqeverisjes vendore janë të lutura që projektpropozimet të mos i dorëzojnë fizikisht pranë zyrave të AKR-së, por në të dy variantet e mëposhtme:



a) nëpërmjet shërbimit postar publik apo privat në adresën: “*Agjencia Kombëtare e Rinisë, Rruga Naim Frashëri, nr. 37, Tiranë, Shqipëri*”.

*Në pjesën e jashtme të zarfit duhet të jenë shkruar emri i thirrjes publike për projektpropozime, emri i plotë dhe adresa e aplikantit, emri i plotë i projektit dhe fjalët: “*Zarfi të mos hapet përpara hapjes zyrtare*”.

b) gjithashtu edhe elektronikisht vetëm në formatin e përcaktuar në adresën tonë elektronike: info@rinia.gov.al

*Në variantin elektronik nuk është e nevojshme firma dhe vula e skanuar.

Të dyja variantet e aplikimit, si ai postar ashtu dhe ai elektronik duhet t’i përmbahen afatit të mësipërm.

* *Çdo aplikim i dorëzuar pas këtij afati do të konsiderohet i pavlefshëm*

* *Asnjë aplikant nuk mund të aplikojë më shumë se një herë për të njëjtën thirrje*

* *Kujdes! Aplikimet e paplota do të refuzohen automatikisht*

3 Vlerësimi dhe përzgjedhja e projektpropozimeve:

Vlerësimi bëhet në përputhje me projektpropozimin e paraqitur nga kandidati aplikues bazuar në kapacitetet e aplikantit, në efektshmërinë e aktiviteteve, pritshmërinë dhe koston e tyre.

Procesi i shqyrtimit dhe i përzgjedhjes së projekteve fituese, do të zhvillohet në dy faza nga AKR-ja dhe Bordi Përzgjedhës i Projekteve.

a. Faza e Parë:

Vlerësimi i përmbushjes së kritereve të projektpropozimeve do të kryhet nga AKR-ja. AKR gjatë kësaj faze vlerësimi ka për detyrë:



- a) të administrojë aplikimet nga njësitë e vetëqeverisjes vendore;
- b) të vlerësojë respektimin e parimeve dhe përmbushjen e kriterëve të njësive të vetëqeverisjes vendore dhe të projektpropozimeve, sipas përcaktimeve të këtij vendimi;
- c) të hartojë listën e projektpropozimeve, që plotësojnë kriteret, brenda 30 (tridhjetë) ditëve, nga afati i fundit i dorëzimit të tyre.

b. Faza e Dytë

Përzgjedhja e projektpropozimeve, që plotësojnë kriteret dhe janë pjesë e listës sipas shkronjës "c", të pikës më sipër të këtij udhëzimi, bëhet nga Bordi Përzgjedhës i Projekteve, i cili ka në përbërje 5 (pesë) anëtarë dhe ngrihet me urdhër të ministrit përgjegjës për rininë.

Bordi bën përzgjedhjen e projektpropozimeve si projekte fituese dhe ka këto detyra:

- a) Hap, shqyrton dhe vlerëson kriteret e kualifikimit të projektpropozimeve të marra, në përputhje me kriteret dhe afatet e përcaktuara në dokumentet e konkurimit;
- b) Shpall rezultatet e konkurimit dhe vë në dijeni kandidatët pjesëmarrës për projektet fituese dhe jofituese, duke dhënë krahas rezultatit edhe arsyet përkatëse.

4. Publikimi i rezultateve

Publikimi i rezultateve, për projektet fituese ose jo, do të bëhet në faqen zyrtare të Agjencisë Kombëtare të Rinisë. Aplikantët do të njoftohen mbi rezultatin gjithashtu edhe në email-in e tyre përmes adresës zyrtare të AKR-së: info@rinia.gov.al.

5. Lidhja e Kontratës

Pas vlerësimeve të projektpropozimeve dhe shpalljes së projekteve fituese do të nisë lidhja e kontratave mes Agjencisë Kombëtare të Rinisë dhe njësive të vetëqeverisjes vendore të shpallura fituese brenda 30 (tridhjetë) ditëve kalendarike nga data e njoftimit të rezultateve të konkurimit.

Në kontratë përcaktohen mënyra e transferimit të fondit, dokumentacioni dhe mënyra e raportimit financiar dhe performancës, llojet e shpenzimeve të njohura e të pranueshme, format e kontrollit, përfshirë detyrimin e subjektit përfitues për të vënë në dispozicion të Kontrollit të Lartë të Shtetit dokumentacionin për veprimtarinë financiare të kryer, mënyra e dokumentimit të shpenzimeve dhe rezultateve të projektpropozimit të financuar, si dhe kushtet apo përgjegjësitë e tjera të ndërsjella.



6. Raportimi final

Raportimi i subjekteve fituese do të bëhet pranë AKR-së në fund të zbatimit të projektit, duke patur parasysh përcaktimet e bëra në kontratën e nënshkruar mes dy palëve, AKR dhe përfituesit e fondit.

7. Monitorimi dhe Vlerësimi i Projektit

AKR-ja ka për detyrë të monitorojë projektet fituese dhe të vlerësojë realizimin e tyre sipas parashikimeve të përcaktuara në kontratë.

** Formularin e aplikimit dhe listën e dokumentave të nevojshme për të aplikuar mund ta shkarkoni nga faqja jonë zyrtare në adresën: www.rinia.gov.al.*

8. Ankimimi

Aplikuesi ka të drejtën e paraqitjes së një ankese, e cila dorëzohet jo më vonë se 10 ditë pune nga data e dërgimit të përgjigjes zyrtare.

Ankesa duhet të dërgohet me shkrim (e-mail ose postë) nga aplikanti dhe të përshkruajë arsyen e ankimimit. Përgjigja i dërgohet ankimuesit jo më vonë se 10 ditë pune nga dita e njoftimit për ankim.